

✓

**ҚОРАҚАЛПОҒИСТОН РЕСПУБЛИКАСИ  
ВАЗИРЛАР КЕНГАШИНИНГ РАЙСИ  
ҚАРАҚАЛПАҚСТАН РЕСПУБЛИКАСЫ  
МИНИСТРЛАР КЕҢЕСИНИҢ БАСЛЫҒЫ**

---

**Н.Ерлеспесовга  
С.Турмановга  
М.Жумановга  
Р.Сапарбаевга**

**Иқтисодий тараққиёт ва камбағалликни қисқартириш  
вазирлиги (А.Шамуратов)га**

**Марказий банк (А.Тлеумуратов)га**

**“Микрокредитбанк” (Р.Утамбетов)га**

**“Халқ банки” филиали (Б.Генжебаев)га**

**Маҳалла ва оилани қўллаб-қувватлаш вазирлиги  
(М.Ахмедова)га**

**Нодавлат нотижорат ташкилотлари раҳбарларига  
(рўйхат бўйича)**

**Савдо-саноат палатаси (Д.Жолдасов)га**

**Ёшлар ишлари агентлиги**

**ҚР бошқармаси (А.Данияров)га**

**Халқ таълими вазирлиги (Р.Реимов)га**

**Касбий таълимни ривожлантириш ва  
мувофиқлаштириш ҚР ҳудудий бошқармаси  
(Қ.Қанглибеков)га**

**Шаҳар ва туманлар ҳокимликларига**


ВМ Раёсатининг 2021 йил 21 декабрдаги 204-сонли баён қарори **7-банди** ижросини таъминлаш юзасидан тегишли чора-тадбирлар белгилаб, амалга оширишингизни сўрайман.

Бажарувчи: У.Хасанов  
Б.Аймбетов, Г.Бахиева, И.Ахмедов

  
**Қ.САРИЕВ**  
**22.12.2021й.**

**№ 11/333**

---



**O'ZBEKISTON RESPUBLIKASI VAZIRLAR MAHKAMASI  
RAYOSATI MAJLISINING BAYONI**

20 21 yil « 21 » dekabr

№ 204

Toshkent sh.

**Раислик қилди:** А.Н.Арипов – Ўзбекистон Республикасининг Бош вазири

**Қатнашдилар:** Бош вазир ўринбосарлари – А.Ж. Раматов, Ж.А. Кўчқоров,  
Ш.М. Ғаниев, С.Ў. Умурзаков, А.А. Абдуҳакимов  
Р.В. Абдуқодиров

Вазирлик ва идоралар раҳбарлари, Вазирлар  
Маҳкамасининг таркибий бўлинма раҳбарлари  
ва масъул ходимлари (*рўйхат бўйича*)

**КУН ТАРТИБИ:**


**Ўзбекистон Республикаси Президентининг**

**“Аҳолини тадбиркорликка жалб қилиш тизимини такомиллаштириш  
ва тадбиркорликни ривожлантиришга доир қўшимча чора-тадбирлар  
тўғрисида” 2020 йил 13 октябрдаги ПҚ-4862-сон қарорида белгиланган  
вазифаларнинг ўз вақтида ва сифатли бажарилишида  
Иқтисодий тараққиёт ва камбағалликни қисқартириш вазирлиги  
хузуридаги Тадбиркорликни ривожлантириш агентлиги  
раҳбарларининг шахсий масъулияти тўғрисида**

(Арипов, Ахмедов, Бозаров, Эрманов, Бутаев, Атабаев, Саъдуллаев, Икромов, Арипов)

Ҳозирги кунда тадбиркорлик фаолияти иқтисодиётнинг асосий локомотивларидан бири сифатида таъкидланмоқда. Тадбиркорликни ташкил этиш, энг асосийси унинг тизимли фаолият юритилишини таъминлашда, келгусида фаолиятсиз корхоналар сафига кириб қолишини олдини олишда албатта, билим ва кўникмалар муҳим омиллардан бири саналади.

Ўзбекистон Республикаси Президентининг “Аҳолини тадбиркорликка жалб қилиш тизимини такомиллаштириш ва тадбиркорликни ривожлантиришга доир қўшимча чора-тадбирлар тўғрисида” 2020 йил 13 октябрдаги ПҚ-4862-сон қарорида белгиланган вазифаларнинг ўз вақтида ва сифатли бажарилишида Иқтисодий тараққиёт ва камбағалликни қисқартириш вазирлиги хузуридаги Тадбиркорликни ривожлантириш агентлиги (кейинги ўринларда – Агентлик), шунингдек, бошқа мутасадди раҳбарлар томонидан амалга оширилган ишлар натижалари ўрганилди.



Ўзбекистон Республикаси Президентининг 2020 йил 13 октябрдаги ПҚ-4862-сон қарори билан белгиланган механизмларни самарали ташкил этиш мақсадида Вазирлар Маҳкамасининг **“Ёшлар ва хотин-қизларни касб-хунар ва тадбиркорликка ўқитиш дастурларини самарали амалга ошириш ҳамда уларнинг тадбиркорлик фаолияти учун микрокредитлар ажратиш чора-тадбирлари тўғрисида”** 2021 йил 22 июндаги 388-сон қарори қабул қилинган.

Қарор билан белгиланган тизимга кўра ёшлар ва хотин-қизлар нодавлат таълим ташкилотлари томонидан касб-хунар ва тадбиркорлик йўналишларида **40 соатдан** кам бўлмаган ўқув курсларида тахсил олиб, муваффақиятли тамомлаганларга сертификат тақдим этилади. Мазкур сертификатлар асосида улар ўқув курсларига сарфланган харажатларининг **70 фоизи** (бирок **1 млн сўмдан** ошмаган қисмини) компенсация тариқасида қайтариб олиши, **“Микрокредитбанк” АТБ** ва **АТ Халқ банки** орқали **33 млн сўмдан** (жисмоний шахслар учун кафилсиз) **225 млн сўмгача** (юридик шахсларга Тадбиркорлик фаолиятини қўллаб-қувватлаш давлат жамғармасининг кафиллиги асосида) имтиёзли кредит олиш ҳуқуқига эга бўладилар.

**а) Жойлардаги нодавлат таълим ташкилотларидан муносибларини танлаб олган ҳолда электрон реестри шакллантириш борасида:**

Қарорда белгиланган топшириқлар ижросини таъминлаш мақсадида дастлаб жойлардаги нодавлат таълим ташкилотларидан муносибларини танлаб олган ҳолда уларнинг электрон реестри шакллантирилди.

Ҳозирги кунда республикада мавжуд **3 мингга яқин** нодавлат таълим ташкилотларидан атиги **459 таси** электрон реестрга киритилган. Бу кўрсаткич **Сирдарё вилоятида 5 тани, Жиззах, Наманган вилоятларида 6 тадан, Навоий вилоятида 10 тани** ташкил этган. Ушбу рақамлар ҳудуддаги ҳар бир туман (шаҳар) учун бир донадан ҳам НТТ жалб этилмаганлигини кўрсатди.

Ҳозирги кунда реестрга киритилган **459 та** НТТдан **38 таси ёки 6 фоизи** томонидан ўқитиш ишлари бошланганлиги аниқланди.

Мисол тариқасида, Тошкент шаҳрида реестрга киритилган НТТлар сони **251 та** бўлсада, шу кун ҳолатида ўқитиш ишларини бошлагани сони **атики 8 тани**, Самарқанд вилоятида **29 тадан 3 тани**, Бухоро вилоятида **25 тадан 1 тани** ташкил этмоқда.

Ҳозирги кунда **38 та** НТТларда **1 673 нафар** аҳоли вакиллари ўқитилаётган бўлсада, Қорақалпоғистон Республикасида **17 та** НТТ томонидан ўқитилаётганлар сони **100 нафарни**, Наманган вилоятида **6 та** НТТда **30 нафарни**, Фарғона вилоятида **19 та** НТТда **9 нафарни** ташкил этмоқда.

**б) Аҳолини, жумладан, ёшлар ва хотин-қизларни бизнес ҳамда тадбиркорликка ўқитиш борасидаги ишларнинг ташкил этилганлиги борасида:**

Ёшлар ишлари агентлиги, Маҳалла вазирлиги билан бирга “Ёшлар дафтари”дан бизнесга қизиқиши бўлган ёшлар ўқувларга жалб қилиниб, **128 та коллеж, 25 та давлат хизматлари маркази, 14 та ёшлар маркази, 39 та IT парк ва мактаб биноларида бугунга қадар 109,9 минг нафар ёшлар бизнесга ўқитилди.**

Битирувчиларни онлайн тест синовидан ўтказиш тизими яратилиб, битирувчиларга сертификат топшириш жараёнида бир тарафда ҳоким ўринбосари, Ёшлар бўлими раҳбари, иккинчи тарафда Савдо-саноат палатаси ҳамда унинг ўқув маркази раҳбари, ўртада тижорат банки оппонентлигида ёшлар ўзлари тайёрлаган бизнес лойиҳасини ҳимоя қилиш тартиби йўлга қўйилди.

Ёшларни тадбиркорликка ўқитишдан бошлаб, бизнес юритишгача бўлган жараёнларни мониторинг қиладиган онлайн платформа яратилиб, ҳозирда тегишли манфаатдор вазирлик ва идоралар маълумотлар базасига интеграция қилинмоқда.

Йил бошидаги ёшларни ўқитиш режаси (**107 минг**) қайта кўриб чиқилди ва жорий йилда меҳнат бозорига кириб келадиган янги контингентни ҳисобга олиб, йил якунигача кўрсаткични **140 мингга** етказиш бўйича ҳафталик тақсимот қилинди ҳамда қатъий назорат ўрнатилди.

Кўрилган чоралар натижасида, дастлабки **3 ойда** сусткашликка йўл қўйилган **27 та** (Улугнор, Норин, Зафаробод, Қарши, Хатирчи, Нарпай, Денов, Шовот ва Кегейли каби) туманларда ижобий ўзгаришлар кузатилди.

Ёшлар бандлигини таъминлаш мақсадида бугунга қадар **92 мингта** тадбиркор ва хунармандга **400 минг нафар** ёшлар бириктирилди.

Шунингдек, бугунга қадар бизнесга қизиқиш билдириб, кейинчалик оилавий ва шахсий муаммолар, бизнесга оид кўникмаларни ўзлаштиришга қийналганлиги туфайли ўқув курсларини тамомлай олмаган **16 минг** нафар ёшлар ҳам “**1+1**” ташаббуси доирасида тадбиркорларга бириктирилди.

Ўқитилаётган ёшларнинг аксарияти ўз бизнесини бошлаш учун имтиёзли кредитларга эҳтиёжи мавжуд. Шу боис, ёшларга кредит ажратишни янада соддалаштириш мақсадида, **oilakredit.uz** электрон платформасида алоҳида “Ёшлар тадбиркорлигини ривожлантириш” майдонини ташкил этишга эҳтиёж сезилмоқда.

Агентлик ҳузуридаги Тадбиркорлик фаолиятини қўллаб-қувватлаш давлат жамғармаси томонидан компенсацияларни бериш тартибини янада соддалаштириш ва мониторингни яхшилаш мақсадида

“ўқитиш-компенсация бериш-кредитлаш” тизимини онлайн платформа орқали амалга ошириш бўйича Марказий банкнинг [www.oilakredit.uz](http://www.oilakredit.uz) платформасига қўшимча тарзда ПҚ-4862-сон қарор доирасидаги аризаларни қабул қилиш ва тегишли платформалар билан интеграция қилиш борасида Агентлик ва Марказий банк ўртасида музокаралар олиб борилмоқда.

**в) Тадбиркорлик ва бизнес кўникмаларига ўқитилган ёшлар ҳамда хотин-қизларнинг тадбиркорлик лойиҳаларини Микрокредитбанк АТБ ва АТ Халқ банки кредитлари ҳисобидан молиялаштирилганлиги борасида:**

Қарор ижросини таъминлаш мақсадида тижорат банклари томонидан қатор чора-тадбирлар амалга оширилди:

**биринчидан**, банк структурасида ёшларга оид дастурлар билан ишлаш бўйича Раис ўринбосари, тегишли таркибий бўлинма ҳамда ҳар бир вилоят минтақавий филиалларида бошқарувчи ўринбосари лавозимлари жорий этилди;

**иккинчидан**, “Маҳаллабай” ва “фуқаробай” ишлаш тизими асосида ишсиз ёшларни тадбиркорликка жалб қилишни йўлга қўювчи “Банк агенти” тизими яратилди;

**учинчидан**, банкка онлайн кредит буюртмалари юбориш, маҳсулот, хомашё, ускуналар етказиб берувчи корхоналар билан муносабатларни эркин амалга ошириш имконини берувчи **Ягона электрон платформа** ишга туширилди;

**тўртинчидан**, ёшларга тадбиркорликни ташкил қилишга йўл-йўриқ кўрсатиш, лойиҳа самарадорлигини ошириш мақсадида, аниқ ҳисоб-китобларга асосланган **67 та тайёр намунавий бизнес-режалар** ишлаб чиқилиб, жойларда ташкил этилган **ўқув курсларида таҳсил олган ишсиз ёшларга** таклиф этилди.

Ўзбекистон Республикаси Президентининг ПҚ-4862-сон қарорига мувофиқ 2021 йилда ёшлар лойиҳаларини молиялаштириш учун **Микрокредитбанкка** Тикланиш ва тараққиёт жамғармасидан **45 млн АҚШ доллари (471 394 млн сўм)** миқдорида ресурс маблағлари жалб қилиниб, жорий йил **1 октябрга қадар 16 311 нафар ёшларга 477,2 млрд сўм кредит ажратилиб**, жалб қилинган ресурс маблағи тўлиқ молиялаштирилди.

Шу билан бирга, Микрокредитбанк томонидан оилавий тадбиркорликни ривожлантириш дастурлари доирасида жорий йилнинг ўтган даври мобайнида **69 903 нафар** аҳоли ва тадбиркорлик субъектларига **1 976,5 млрд сўм** имтиёзли кредитлар ажратиш ҳисобига **78 мингдан зиёд** аҳоли бандлиги таъминланди.

Мазкур имтиёзли кредитларнинг **62 фоиздан** ортиғи ёки **1 230 млрд сўми 43 097 нафар** ишсиз ёшларнинг тадбиркорлик фаолиятини йўлга қўйишига йўналтирилди. Бунинг натижасида, **47 450 га** яқин ёшларнинг бандлиги таъминланди.



**Маълумот учун:** Ёшларга имтиёзли кредитлар ажратиш республика бўйича 1 декабрь ҳолатига, Микрокредитбанк, Агробанк ва Халқ банки томонидан **127 278 нафар** ёшларга **3,2 трлн сўм** кредитлар ажратилган.

Шунингдек, ажратилган микрокредитлар ҳисобига сертификатга эга бўлган **26 528 нафар** ёшларнинг **751,5 млрд сўмлик** лойиҳалари молиялаштирилди, натижада **27 мингдан** зиёд ёшларни бандлиги таъминланди.

Хотин-қизларни молиявий қўллаб-қувватлаш орқали уларни тадбиркорликка жалб қилиш ва шу билан уларни бандлигини таъминлаш бўйича **Халқ банки тизими**га бир қатор вазифалар топширилган бўлиб, банк томонидан **14 та** ҳудудий ва **196 та** туман филиалида аёлларни тадбиркорликка жалб қилиш бўйича раҳбар ўринбосари лавозимлари ташкил этилиб, муносиб номзодлар тайинланди.

**“Аёллар дафтари”** шакллантирилиб, ижтимоий ҳимояга мухтож оилалар, ишсиз хотин-қизларнинг **манзилли рўйхати** тузилди.

Ўрганишлар натижаларига кўра, хотин-қизларни **4 та** тоифага ажратиб, ҳар бир тоифадаги аёлларга индивидуал ёндашган ҳолда иш олиб борилди.

Жумладан:

**биринчиси** – тадбиркорлик тушунчаси бор аёллар.

**иккинчиси** – тадбиркорлик қилиш истагидаги йўналиш танлашга қийналган аёллар;

**учинчиси** – айрим соҳадаги кўникмаси бор ва қобилиятли аёллар;

**тўртинчиси** – тадбиркорлик қилиш истаги йўқ, иш жойига талаби бор бўлган аёллар.

ПҚ-4862-сон қарорига асосан банкка **45 млн АҚШ доллари (471 394 млн сўм)** миқдорида маблағ ажратилди.

Ажратилган маблағларни касб-ҳунар ҳамда тадбиркорликка ўқитиш бўйича нодавлат таълим ташкилотлари курсларини муваффақиятли тамомлаб, сертификатни олган хотин-қизларнинг **37,1 минг нафарига 471,4 млрд сўмлик** имтиёзли кредитлар ажратилди. Жумладан:

- хизмат кўрсатиш соҳасига **9 876 нафар** хотин-қизларга **101,7 млрд сўм**;
- саноат соҳасига **18 630 нафар** хотин-қизларга **238,7 млрд сўм**;
- қишлоқ хўжалиги соҳасига **8 543 нафар** хотин-қизларга **130,9 млрд сўм** имтиёзли кредитлар ажратилди.

Қолаверса, Савдо-саноат палатасининг жойлардаги ўқув марказлари томонидан ўқитилган курсларни муваффақиятли тамомлаб, сертификат олган **93,9 минг нафар** ёшлардан **46 фоизи (43 минг нафари)**га тижорат банклари томонидан **1,1 триллион сўмлик** имтиёзли кредитлар ажратилди.

**г) Ўзбекистон Республикаси Президентининг ПК-4862-сон қарори 13-банди ҳамда Вазирлар Маҳкамасининг 388-сон қарори 3-иловасига асосан ўз тасарруфида ёшлар ва хотин-қизларни бизнес ва тадбиркорлик курсларига ўқитиш бўйича ўқув курсларини ташкил этган ННТлар ўртасида 2 млн АҚШ доллари эквиваленти миқдорида қарз маблағларини ажратиш бўйича очиқ танлов ўтказиш борасида:**

Мазкур қарорларга асосан Тадбиркорликни ривожлантириш агентлиги томонидан Марказий банки, Бандлик ва меҳнат муносабатлари вазирлиги, Савдо-саноат палатаси ҳамда ННТларни ва фуқаролик жамиятининг бошқа институтларини қўллаб-қувватлаш жамоат фонди билан биргаликда жорий йилнинг 24 августида “Нодавлат нотижорат ташкилотлар очиқ танлови комиссияси”, “Танлов ўтказиш регламенти”, “Баҳолаш мезонлари”, “Маблағлар тақсимоти” ва танлов талабгори тақдим этиши лозим бўлган ҳужжатлар тўплами ишлаб чиқилан ҳамда жорий йил 20 октябридан 20 ноябрга қадар “Янги Ўзбекистон” ва “Халқ сўзи” газеталари ва оммавий ахборот воситаларида очиқ танлов ҳақида эълон берилган.

Маблағлар тақсимотига асосан 2 млн АҚШ доллари эквиваленти миқдоридаги қарз ҳар бир ҳудудий бирлик учун 150 минг АҚШ доллари, Сирдарё ва Навоий вилоятларига 100 минг АҚШ доллари миқдоридан тақсимланган.

**Жорий йил 29 ноябрь** ҳолатига берилган эълонлар натижасида республика миқёсида **18 та ННТ** ҳужжатлари қабул қилинган.

**Жумладан:** Фарғона вилоятидан 2 та – Худудларни иқтисодий ривожлантиришга кўмаклашиш маркази Фарғона вилояти бўлими, “Аёллар ва болаларга ижтимоий, ҳуқуқий ва тиббий ёрдам кўрсатиш ННТ”;

**Навоий** вилоятидан 6 та – “Тўмарис” ёшлар ва хотин-қизлар тадбиркорлик маркази, Хотин-қизлар тадбиркорлик маркази, Навоий Бизнес-инкубатор ННТ, Хатирчи Бизнес-инкубатор ННТ; “Мерос хунарманд” ёшлар ва болалар жамоат бирлашмаси ва Ногиронлар жамияти ҳудудий бўлинмаси;

**Сирдарё** вилоятидан 2 та – Хотин-қизлар тадбиркорлик маркази, “Ёшлар келажагимиз” жамғармаси;

**Тошкент** шаҳридан 3 та – “Ёшлар келажагимиз” жамғармаси, “Free study” ННТ, “Сабр” Республика ижтимоий иқтисодий ривожланиш маркази;

**Самарқанд** вилоятидан 2 та – “Юқори технологиялар ва техника” ННТ;

**Хоразм** вилоятидан 1 та – “Ишбилармон аёл” вилоят жамоатчилик маркази;

**Сурхондарё** вилоятидан 2 та – “Best results school” ННТ, “Ёшлар келажагимиз” жамғармаси.

2021 йил 2 декабрда танлов комиссияси томонидан ўтказилган йиғилишда ҳудудлардан талабгор ННТлар юборган ҳужжатлар тўплами талабгорлар раҳбарлари ёки қонуний вакиллари иштирокида очилди.

Танлов регламентига кўра ғолиб ННТлар ҳақидаги маълумотлар 10 иш кунинда Агентлик расмий веб-сайти ва ижтимоий тармоқлардаги саҳифаларида эълон қилинади.

**д) Қарорнинг мазмун-моҳиятини тарғиб қилиниши борасида:**

Агентлик томонидан қарор ижросини сифатли ташкил этиш ҳамда ННТлар томонидан тез суръатларда ўқитишни ташкил этиш мақсадида Бандлик ва меҳнат муносабатлари, Олий ва ўрта махсус таълим, Маҳалла ва оилани қўллаб-қувватлаш вазирликлари, Савдо-саноат палатаси, Ёшлар ишлари агентлиги ҳамда Бизнес ва тадбиркорлик олий мактаби билан ҳамкорликда **“Ёшлар ва хотин-қизларни касб-хунар ва тадбиркорликка ўқитиш ҳамда малакасини ошириш”** ўқув курси учун таянч ўқув режаси ва ўқув дастурини ишлаб чиқиш бўйича жойларда график асосида амалий семинар-конференциялар ташкил этилди.

Хусусан, 24 сентябрда Андижон, Самарқанд, Қашқадарё, 25 сентябрда Наманган ва Жиззах, 27 сентябрда Сирдарё ва Фарғона, 28 сентябрда Сурхондарё ва Хоразм, 29 сентябрда Қорақалпоғистон Республикаси, Навоий ва Тошкент, 30 сентябрда Бухоро вилоятларида амалий семинар ўтказилди.

**е) Қарор ижросини ўрганиш доирасида аниқланган тақлифлар:**

1. Ёшлар ва хотин-қизларни касб-хунар ҳамда бизнес ва тадбиркорлик кўникмаларига ўқитиш бўйича электрон реестрга киритилган ННТларнинг фаолияти самарадорлигини мониторинг қилиш, ўқув курсларини муваффақиятли тамомлаган фуқароларга компенсация ва кредитлаш ажратиш механизминини янада шаффофлигини таъминлаш мақсадида **Марказий банкнинг oilakredit.uz онлайн платформасида** ПК-4862-сон қарори учун алоҳида дарча очиш зарурияти юзага келмоқда.

Ушбу дарчага Агентлик ва ҳудудлардаги ваколатли офислари, Тадбиркорлик фаолиятини қўллаб-қувватлаш давлат жамғармаси, “Микрокредитбанк” АТБ ва АТ “Халқ банки”, электрон реестрга киритилган нодавлат таълим ташкилотлари, давлат Солиқ қўмитасига маълумотларни киритиш учун **интеграция қилинади.**

Бунда, платформа доирасида Агентликка умумий мониторинг вазифаси, **Тадбиркорлик фаолиятини қўллаб-қувватлаш жамғармасига компенсацияларни тақдим этиш, “Микрокредитбанк” АТБ ва АТ “Халқ банки”га ажратилган кредитлар бўйича маълумотларни киритиб бориш, ННТларга ўқувчилар ҳақидаги маълумотлар, реал вақт режимида имтихонлар ўтказиш, сертификатларни тақдим этиш, давлат Солиқ қўмитасига ўқув курсларини тугатган ўқувчилар томонидан очилган тадбиркорлик субъектлари ҳақидаги маълумотларни юклаб бориш вазифалари белгиланади.**



2. Нодавлат нотижорат ташкилотларни давлат томонидан қўллаб-қувватлаш тизимида микрокредит ташкилотлар билан бир қаторда **тижорат банкларининг ҳам иштирокини таъминлаш** орқали қўшимча қулайлик яратиш мумкин бўлади.

ПҚ-4862-сон қарори доирасида тасдиқланган тизимга асосан ННТ томонидан олинган қарз маблағлари микрокредит ташкилотларига ресурс сифатида фоиз эвазига жойлаштирилиб, ушбу ресурслар ҳисобидан микрокредит ташкилот орқали ўқитилган ёшлар ва хотин-қизларга **микроқарзлар ажратилиши** белгиланган.

Ушбу тизимнинг **асосий муаммоли жиҳатларига** микрокредит ташкилотларининг **фоиз ставкасининг юқорилиги** (мисол тариқасида, ойлик 3 фоиз 1 йилда 36 фоиз) ҳамда **олинган микроқарзларнинг қайтарилишини** (олинган қарзлар айнан ННТ кафиллиги асосида берилиши белгиланган) келтириб ўтиш мумкин.

ПҚ-4862-сон ҳамда Вазирлар Маҳкамасининг 388-сон қарорларига **қўшимча ва ўзгартириш киритиш орқали** танловда ғолиб ННТ билан шартнома тузишда **тижорат банкларини ҳам қўйиш** мақсадга мувофиқ.

Ушбу орқали ННТ томонидан ажратилиши режалаштирилган микроқарзлар фоиз ставкаси (*тижорат банкларининг фоиз ставкаси 23-26 фоиз атрофида*) ҳамда мониторинг қилиш жараёнлари (*банк таъминоти ҳамда кредитларнинг қайтарилиши жиҳатдан аниқ белгиланган механизмга эга*) янада осонлашади.

3. Микрокредитларни фақатгина тикувчилик, чорвачилик, иссиқхона ва паррандачилик йўналишларига эмас, балки **ноанъанавий хизмат турларини қўпайтириш** ва маҳсулот ишлаб чиқарилишини молиялаштиришга **пропорционал йўналтирилишини** йўлга қўйиш устида алоҳида ишлаш лозим бўлади.

4. Қарор асосида ёшларга ажратилган кредитлар бўйича бугунги кунда жами 8,1 млрд сўмлик шундан, муддати ўтган график қарздолиги 3,1 млрд сўм ҳамда 5,0 млрд сўм муддати ўтган фоиз қарздорлиги юзага келганлиги боис, ёшларнинг навбатдаги лойиҳаларини молиялаштириш манбасини шакллантириш мақсадида тегишли **вазирлик, идора ва ташкилотлар билан биргаликда қарздорликларни ундирув тизимини** йўлга қўйиш лозим.

Мисол учун, Андижон вилоятида "оғир" маҳаллаларга бириктирилган "етакчи" тадбиркорларга айрим тижорат банклари томонидан кредит маблағлари ўз вақтида ажратилмаган.

Шунингдек, Ипотекабанк 8 та, Туронбанк 6 та, Асака банк 5 та, Алоқа банк 4 та **етакчи тадбиркорларнинг** кредит олиш учун **тақдим қилган ҳужжатларини** қабул қилинмаган, жойига бориб тадбиркорларнинг **гаров мулклари** ҳам ўрганилмасдан ўз холига ташлаб қўйилган.

Кун тартибидаги масалалар бўйича билдирилган таклифларни атрофлича муҳокама этиб, йиғилиш **ҚАРОР ҚИЛАДИ:**

**1. Ўзбекистон Республикаси Президентининг “Аҳолини тадбиркорликка жалб қилиш тизимини такомиллаштириш ва тадбиркорликни ривожлантиришга доир қўшимча чора-тадбирлар тўғрисида” 2020 йил 13 октябрдаги ПҚ-4862-сон қарори ижроси юзасидан мутасадди раҳбарларнинг ҳисоботлари маълумот учун қабул қилинсин.**

**2. Марказий банк (Захидов) ёшлар ва хотин-қизларни касб-хунар ҳамда бизнес ва тадбиркорлик кўникмаларига ўқитиш бўйича электрон реестрга киритилган НТТларнинг фаолияти самарадорлигини мониторинг қилиш, ўқув курсларини муваффақиятли тамомлаган фуқароларга компенсация ва кредитлаш ажратиш механизминини янада шаффофлигини таъминлаш мақсадида oilakredit.uz онлайн платформасида ПҚ-4862-сон қарори учун 2022 йил 1 февралга қадар алоҳида дарча очиш юзасидан тегишли чоралар кўрсин.**

Бунда, тегишли ташкилотларнинг (*“Микрокредитбанк” АТБ, АТ Халқ банки, давлат Солиқ қўмитаси, Тадбиркорлик фаолиятини қўллаб-қувватлаш давлат жамғармаси, Тадбиркорликни ривожлантириш агентлигининг жойлардаги ваколатли офислари, нодавлат таълим ташкилотлари ва бошқалар*) **интеграция қилинишини** назарда тутсин.

**3. Иқтисодий тараққиёт вазирлиги (Холхўжаев) 2022 йил 1 мартга қадар** нодавлат нотижорат ташкилотларни давлат томонидан қўллаб-қувватлаш тизимида микрокредит ташкилотлар билан бир қаторда тижорат банкларининг ҳам иштирокини таъминлаш бўйича Вазирлар Маҳкамасининг 2021 йил 22 июндаги **388-сон қарорига ўзгартириш ва қўшимчалар киритиш** бўйича таклиф ишлаб чиқиб Вазирлар Маҳкамасига киритсин.

**4. “Микрокредитбанк” АТБ (Бўтаев), Халқ банки АТ (Атабаев) қарор** доирасида микрокредитларни фақатгина тикувчилик, чорвачилик, иссиқхона ва паррандачилик йўналишларига эмас, балки ноанъанавий хизмат турларини кўпайтириш ва маҳсулот ишлаб чиқарилишини молиялаштиришга пропорционал йўналтирилишини йўлга қўйсин.

**5. Иқтисодий тараққиёт вазирлиги (Холхўжаев) Тадбиркорликни ривожлантириш агентлиги (Ахмедов), Марказий банк (Захидов) билан ҳамкорликда 2022 йилнинг I чорагида Ўзбекистон республикаси Президентининг 2020 йил 13 октябрдаги ПҚ-4862-сон қарори мазмун-моҳиятини энг қуйи буғинга қадар етказилиши бўйича қўшимча чора-тадбирларни амалга оширсин.**

**6. Марказий банк (Захидов), Тадбиркорликни ривожлантириш агентлиги (Ахмедов) 2022 йил 1 мартга қадар** микрокредит олиб кейинчалик барқарор тадбиркорлик фаолиятини йўлга қўйган, натижада камбағаллик рўйхатидан чиққан мижозлар сони ва улуши ошиб боришини **банк фаолияти самарадорлигининг асосий кўрсаткичларидан (KPI) бири сифатида белгилаш моделини тасдиқлаб, амалиётга жорий қилсин.**

✓ 7. Қорақалпоғистон Республикаси Вазирлар Кенгаши раиси, вилоят ва Тошкент шаҳар ҳокимликларига:

Аҳолини касб-ҳунар ва тадбиркорликка ўқитиш фаолияти билан шуғулланувчи НТТ ва ННТларни ушбу мақсадлар учун кенг жалб этиш чораларини кўрсин;

НТТларга фаолияти ҳудудини кенгайтиришига кўмаклашиш мақсадида чекка ҳудудларда ўз филиалларини очишида амалий ёрдам кўрсатсин;

НТТларга мактаб, коллеж биноларидан бепул фойдаланишига рухсат бериш масаласини кўриб чиқсин.

8. Мазкур баён топшириқларининг ўз вақтида ва тўлиқ бажарилишини таъминлаш Ўзбекистон Республикаси Бош вазирининг молия-иқтисодиёт ва камбағалликни қисқартириш масалалари бўйича ўринбосари – иқтисодий тараққиёт ва камбағалликни қисқартириш вазири Ж.А. Қўчқоров зиммасига юклансин.

Ўзбекистон Республикасининг  
Бош вазири



А. Арипов